

涇川詩鈔卷十五

錫山顧翰兼塘編輯

涇川潘陸才半樓校

朱鎖字錫章號養泉嘉慶甲子副舉人候選知縣著有

養泉遺草六卷邑志文苑有傳

新嶺

連日山中行凜若深入井悠悠浙嶺雲導我忽新嶺登頓
筋力疲何時息浮梗朔風從地起吹上最高頂掉頭不敢
昂翻恐天壓頸山空宿禽稀葉脫瘦枝挺樵歌落巖巔聞
聲轉幽靜中亭偶憩息斜日澹人影婆娑樹石間祇覺敞
裘冷一朝出險巖坦道快馳騁回首衆峰高恍然歷仙境

涇川詩鈔

卷十五

爲友人題松下橫琴圖

陶令琴無弦昭文琴不鼓相期千載誰知音寂寂松陰滿
巖戶松陰入夜凝輕寒松子亂落青林端橫琴在膝渾不
語且佇明月來闌干松旣不生濤琴亦不成響清泉白石
塵外賞仰視飛鴻破秋爽科頭箕踞何蕭然高格恰與長
松緣呼童煮茗沁詩魄此間幽趣人如仙星河西斜露光
白不知是主還似客欲抱枯桐起前席請彈一闕風入松
松下颯沓吹涼風琴聲祇在松聲中卷圖長嘯高天空

舟中阻雨

白浪打船頭孤帆又滯畱人家迷水國風雨逼沙洲飛鳥

破烟沒濕雲過樹浮客中傷落莫彌復觸閒愁

曉發蘭山

夜夢雞聲斷青騰睡眼矇殘星人影白初日馬蹄紅山勢
全趨魯河流盡向東遙瞻沂水畔興在詠歌中

趙北口

彷彿江南路停橈此大隄水光浮岸濶雲影壓天低驛柳
鳧舟拂虹橋雁齒齊頻年嗟旅食對酒夕陽西

順河道中

不盡心迢遞歸雲逐故鄉馬蹄喧敗葉人影亂斜陽遠水
寒猶碧晴山暮轉蒼一樽酬古驛愁聽雁聲長

涇川詩鈔

卷十五

二

泊嚴州

地與人俱古州因姓得名樹濃山早暗雲歛塔孤撐亂石
爭舟急危灘觸夢驚宵分就孤枕漏鼓報嚴城

龍游

曲曲水中路層層江上灘山低圍縣小雨細着衣寒濁酒
醺人易狂風鼓棹難三衢應不遠詩境帶愁看

移寓法源寺

斷梗飄萍西復東獨憐舊雨對床同

時與家謬
廷同寓

榻來古寺

心彌淨逃去浮名夢亦空曲徑展黏芳草綠高樓鐘打夕
陽紅蒼茫往事堪憑弔却在閒僧感慨中

過汴梁

吹臺雲樹望蒼茫緩着征鞭過大梁馬首南來經地險河
流東去接天長夷門有客懷公子樂府何人感憲王千載
興亡悲旅客孤城舊壘鎖殘陽

朱仙鎮謁岳武穆廟

灑盡孤臣淚數行班師此地痛疆場濤飛白馬寃同剖酒
飲黃龍願未償半壁江山增歲幣中原父老迂壺漿英雄
自古多遺恨可奈天心厭靖康

客中寒食

東風吹暖賣餠天可奈春心託杜鵑挿柳戶知寒食節看

涇川詩鈔

卷十五

三

花人滯武林船山川信美憐羈寓雨露初濡憶墓田明日
放懷湖上去遍尋芳草六橋邊

舟中賦贈魯心園孝廉

依人王餐笑匆匆一片孤帆夕照中蘆葉影低連鬢白蓼
花心苦到根紅妾希負弩驅官道差幸隨車採土風從此
海鷗盟息壤夢魂千里與君同

登金山

孤峯一碧聳崔嵬塔倚斜陽四望開江岸迅風吹地走海
門驚浪拍天迴中流突兀看圖畫異代英雄歷劫灰懷古
忽增興廢感姓名誰並妙高臺

將至七里瀧舟中卽景

茅屋桑田報午雞此間不讓武陵溪
三春水暖魚知樂兩岸山深鳥對啼
帆落峭風松籟靜鳴藏濃靄竹梢低
閒身未欲關窮達管領風光羨隱棲

林巒萬疊繡圍屏近水人家護驛亭
潭影倒涵千樹綠舵痕微露一燈青
拾樵客倦尋鷗夢收網翁歸駐鷺汀
支枕自吟還自和却憐商婦倚窗聽

夜泊固城湖

平湖清淺蓼花洲夜半人搖舴艋舟
啼鳥忽驚鄉夢破一鈞殘月樹梢頭

涇川詩鈔

卷十五

四

舟次吳淞江

細雨斜風打槳寬飛飛燕子掠波寒
吳淞一幅澄如練不忍并刀剪取看

舟泊九江關

三日征帆泊此間琵琶聲斷未開關
夕陽淡蕩秋無際江上蘆花江外山

趙祖慶字孫年一字蓀沅嘉慶甲子舉人官安陽縣知縣著有枕山面水草堂詩鈔

登皖江大觀亭

極目窮千里中江第一亭龍山連遠岫雁汊下吳汀
鄉月

帆前白村烟郭外青愁來誰與共詩思倚蒼冥

秋杪舟泊鳩茲登望江亭

訪菊秋畦更上臺節過重九宴重開醉看夕照銜山去坐
對閒雲度水來關柵塔鈴明月夜市燈漁火大江隈鳥啼
霜落行人少解纜浮橋放艇回

章作舟字濟川嘉慶丁卯舉人

賞溪雪泛

瓊瑤細灑冷淒淒有客乘舟泛賞溪行處流澌渾欲斷眼
前山色壓城低市橋沽酒來城北竹塢尋梅過水西宿鷺
初飛思太白東亭閒泊且畱題

涇川詩鈔

卷十五

五

朱宗慶字咸中號霽嵐嘉慶丁卯副舉人著有耕道山
房稿

茶烟

纖纖揀出雀芽紅石銚初煎氣已融竈火氤氳微裊霧盤
香縹緲並搖風鬢絲禪榻寂寥後紗帽隱囊蕭散中蟹眼
細看知候熟傾甌猶有白雲籠

竹韻

渭川千畝碧如油圍向吾廬境最幽灑雪靜聞三徑夜敲
風涼送一窗秋惟應鶯鶯堪舒嘯豈與芭蕉共引愁如此
蕭疎如此韻澹吟祇合著王猷

胡沛澤字翥雲號寄槎嘉慶戊辰舉人官江浦縣教諭
著有寄槎詩鈔

俠客行

一騎驅黃塵帶劍白如雪試將寒劍光照我一腔血劍有不平鳴人生不如鐵

登赭山

春草綠上山山頂雲光擁長風天際來遠水春陰動雨絲片片飛城角炊烟重

下龍江

天末生寒雲一舸下秋浦白浪橫空來烟樹風中舞十里

涇川詩鈔卷十五

泊龍江蕭蕭葦汀雨

柳枝行

楚江雨楚江烟烟雨濛濛三月天問君向何處已買楚江船憶昔同游春暮多春風對織黃鶯梭不道此時春又暮黃金一曲奈別何君不見十里五里斜陽路來者自來去者去千絲萬縷意雖長欲挽君行君不住待折一枝手復停風流恐滅枝上青一聲欸乃人俱遠惟有長亭與短亭

謁太白祠

騎鯨已仙去山色自蒼茫風月此江水乾坤一醉場傾心惟杜老巨眼有知章今古憐才少嗟余亦酒狂

初秋漫興

一縷琴絲意獨幽，聊將蠹簡檢還籌。
花時醉易非關酒，客裏愁多不爲秋。
風月天原開上界，江河人似逐東流。
會須歸作溪山主，紅蓼灘前下釣鉤。

讀歸去來辭

歸去田園酒一瓢，琴書親戚兩逍遙。
春來分付門前柳，不許東風浪折腰。

月夜懷友人漢陽

手把吳鉤喚奈何，長江渺渺隔烟波。
武昌城畔今宵月，落葉離愁一樣多。

涇川詩鈔卷十五

春雪

騎驢客去詩情健，罷釣人歸酒界寬。
鶴夢醒來梅骨冷，溪山無語畫春寒。

把酒

月光半庭水露氣，一園秋把酒聽蟲語。
涼風生樹頭，朱廷魁字文度號雪村嘉慶戊辰舉人候選府同知

暮春旅感

金風玉露感淒清，中酒情懷劇不平。
傲骨半生矜晚節，愁城十丈釀秋聲。
天涯且自加餐飯，陌路誰能記姓名。
一度悲歌一長嘯，催租人可聽分明。

聚鐵真成鑄錯來黃塵滾滾覓蓬萊分陰可惜功猶礪寸
草徒生念欲灰漸覺秋風欺病鶴斷無春信到枯梅雲山
瞻望無窮恨千萬金經懺不回
幽居半畝未全荒七不堪成詎可商兔管全焚甘廢乘驪
珠已碎莫思量劇憐紅友情緣重祇覺黃花意味長休向
西風問蒲柳薄寒天氣月如霜
深宵拍遍石闌干商畧平生付釣竿醉後可堪搔短鬢夢
中曾似到長安閩來身世迴颿好歷盡關山行路難記否
桑乾橋下水聲聲嗚咽不勝寒

中秋城南玩月

涇川詩鈔

卷十五

八

暫拋槐市鏡中行心地空明眼自明淺水蘆花夜蕭瑟荒
邱蘭若客淒清詩魂飛馭揚州鶴酒興狂驅渤海鯨想得
故園兄弟樂桂林深處話蓬瀛
休向紅塵間彩鸞中秋且自慶團圓清輝舊友終宵共好
景長安再會難霧鬢雲鬟空綽約瓊樓玉宇太高寒明年
此夕知何處更上瑤臺着意看

旅感

車輪轉碾碾紅塵秋老長安百感新雪隱帽簷花笑我星
寒視沼墨磨人當年早信烟霞好今日方知僮僕親
三十餘年俱有家人之樂
今乃借榻蕭寺可嘆也
多少舊游零落盡那堪飛絮更

浮萍

蹉跎何用卜行藏往事都非暗自傷
客子光陰付詩酒菊花天氣逼風霜
鬢絲禪榻隨緣住夢幻鹽車爲底忙
破帽疲驢吾輩分最憐無路賦長楊

吳雲程字躋青號仙舟嘉慶戊辰恩科舉人丁丑大

挑二等署定遠縣教諭官類上縣訓導候選知州著

有瀛樵詩鈔

都門雪霽同朱蘭坡太史胡墨莊觀察董近溪同年

朱晉齋孝廉江亭小酌分得江韻用禁體

到此徧驚守戶龙亭空不爲朔風降山光暗隱千林樹野

涇川詩鈔卷十五

九

色寒侵一面窗鴉散晴天斜照淡樓高梵宇暮鐘撞驅車

遙指來時路醉劈詩箋對夜釭

秋日龍舒客中和莆房弟感懷韻

連床風雨駐龍舒廿載奔馳未靜居壯志本非甘俗吏平

生悔不讀奇書梅修瘦骨清難擬菊傲寒霜淡欲如曾記

烟波同泛棹半江秋影雁飛初

朱佑字俊三號硯谷嘉慶戊辰副舉人官績溪縣教諭

著有娛拙齋詩鈔四卷徽州府志名宦有傳

古別離

送君攀垂楊植向別君處別君能幾年楊枝已成樹安絃

理王徽對鏡憐清輝絃斷猶可續鏡破無圓時東風來何
早吹綠門前草從此長絲絲直到天涯道草枯尙爲螢柳
絮亦爲萍鬢絲非草木能得幾回青

香心夫人廟

衝天寇起地維裂

黃巢自號
衝天將軍

觸突江淮及宣歙生奔死積

紛如麻一女偏能整奇節紅顏莫保何足悲倉皇但保心
不移刀光燦眼等閒耳此心早已甘如飴罵賊將心引刀
剖霜鋒蘸血血非垢視息誰貪且暮生身自分明心不朽
我來下馬瞻容光恍惚環珮聲鏘鏘廟中椽桷半傾圮心
清一瓣猶凝香瓣香愧彼衣冠列耿耿芳衷堅似鐵吁嗟
涇川詩鈔 卷十五 十

乎堅似鐵香不滅千載貞魂照冰雪

蘭石謁俞將軍墓

歷陽鞞鼓動地起冠軍犯闕逼天子橫江直下陷宣州奮
袂猶聞桓內史內史浩氣干青雲負戈更有俞將軍一隊
偏師鎮蘭石漫山賊勢來紛紛縱橫鐵騎哮如虎試問軍
中誰禦侮一朝致命効疆場慷慨捐軀謝君父桓侯不忍
負至尊將軍肯負桓侯恩退軍弗徇左右請早甘一死畱
忠魂訪古吾來此巖野當年豈少勤王者如何討賊約西
征未肯同仇遠東下嗚呼東南王氣空荒邱我公忠義垂
千秋豐碑三尺橫山陬剔蘚來認行人愁行人指點山前

路云是當年誓師處老罷千載臥深山敢撼將軍墓傍樹
喜雨
誰言屏翳太無情忽見滂沱快雨傾百道珠光連澗落一
天雲氣繞雷行爽延遠岫蕉窗淨涼引微風竹簟清料想
田家沾溉足柴門聽水稻花生

雨後宣州道中

出郭纔三里崎嶇路不平小橋餘積雪啼鳥趁初晴雲暗
村烟合天低野樹橫輿夫知徑滑逸遞度前程

與家素濤明經夜話感賦

狂歌散髮任歸休曾憶西風白下秋短揖搖將燈影去殘
涇川詩鈔 卷十五 十一
襟剩有酒痕畱一生幻夢隨花落千種閒愁付水流欲學
靈均搔首問前途何處可依劉

擬元次山春陵行

賦重人易困况復經干戈戶口常苦少荆棘常苦多自我
泄茲地昊天方薦瘥十戶九已亡存者皆疲痾困鱗轉涸
輒窮鳥棲危窠饑寒誰爲救疾痛誰爲摩生機不盈寸忍
復相折磨軍國正多事使者旁午過符傳星火速法令牛
毛苛租庸有常例刻期毋蹉跎因之將悉索盡室安有他
豈惟室如洗在野無碧莎人窮易爲盜走險上則那奉命
守此土將平誰致頗元氣復以漸政成在人和生聚苦不

足乃敢工催科與殺百姓命甘受官長呵呵譴勢不已貶黜更如何一日得休息且復稍逶迤作此告當路詎止勞者歌

擬袁介踏災行

踏災符檄風雷馳居然救急如燃眉官差里正四鄉滿其實不濟生民饑陂塘處處乾成陸田中禾死家中哭丁中逃散如飛鴻獨有老翁尤慘毒老翁今年七十餘自言本在城東居家貧無錢老無力惟種官畝輸官租滿望官租輸十石尙有餘糧不入額薄粥一碗蔬一盂饗殮亦足度朝夕自從夏早直至秋有源之水皆絕流低田猶可高田

涇川詩鈔

卷十五

十二

裂赤日如火燒人頭車水救田如救渴放溝每被他人奪數日得漑漑已遲力盡心焦禾不活年來私債且勿論官糧追迫常在門歸家但對兒女泣所恐性命難俱存鄰人語我勿自誤各鄉紛紛競陳訴爾盍投狀乞官恩萬一寬征免官賦官言卽日將勘災大府早有文移催詎知官惟聽吏報何曾親到田間來身所未至豈能曉翻把旱田當作潦縣官悠悠亦常事我獨何爲遇顛倒人家歲熟猶報荒我今真荒偏責償晨追夕比竟何有逼賣兒女歸他鄉昨日呼爺聲在耳今向誰家作奴婢不願相離同日生但願相逢同處死老翁言罷淚如珠悲風吹骨骨漸枯我欲

大聲而疾呼踏災之吏安在乎

讀吳梅村詩集

才華早歲著芳聲俄閱滄桑劫運更勝國悲歌元好問江
南哀感庾蘭成題名但識詩人碣感舊彌增故老情淒絕
沉吟偷活語至今想見淚痕橫

讀袁簡齋詩集

不鬪聲華格調工絳雲舒卷在遙空六朝佳麗開吟社二
代才名屬寓公道廣太邱壇坫盛情深白傅性靈同持平
底用爭彈擊位置端宜文苑中

秋野晚步

涇川詩鈔

卷十五

十三

我來紅樹林白雲如不隔幽棲隨意探清風響泉石夕陽
明遠山古逕罕行跡薄暮問樵夫詩懷孕秋碧

苦雨

天漏誰能補淋漓浪竟未終山圍雲氣裏春送雨聲中苔長
偏驚綠花殘不見紅望晴推甲子占驗問山翁

行路難

至今默與寒泉對

我欲上太行征車折軸元馬黃我欲浮渤海衝衢颺鼓浪爰
居駭出門四顧烟模糊馬當之險天下無登九疑兮窺蒼
梧泛彭蠡兮招匡廬鳳皇朝饑竹不實相隨鴻雁棲江湖
江湖莽莽不可測水落霜寒鍛毛翮輕裘駿馬誰家兒避

近相逢眼雙白君不見陶淵明饑來乞食東西行又不見
杜少陵殘杯冷炙多酸辛結交自古傷輕薄魍魎歔歔亦
不惡安得布帆無緣輪四角尋常不插紅塵腳

蘭坡叔偕同人遊石巖山卽席有作兼贈胡翥雲孝

廉二首

蕭瑟秋容靄碧空石巖環擁崑峯中遊心方外追蓮社抗
手山靈迓謝公滿徑漏殘蕉葉雨一庭香散木樨風精廬
正好畱賓住瑱色偏催去馬匆

踪跡睽違兩地偏何期先後着歸鞭曾馳緘素極千里憶
別軟紅剛十年伏櫪僅餘騰遠志揮毫聊寫遣愁篇知君
涇川詩鈔 卷十五
雅抱劉伶癖莫道囊無貫酒錢

山居獨坐

茅齋高踞面山開隨分琴樽絕點埃好句偶從閑處覓故
人多自夢中來嵐光入戶雲常積竹影搖窗雨暗催羸得
階前生意滿茸茸一任長莓苔

周翰宗明經招飲來禽草堂醉後却寄

天上有酒星地下有酒泉由來醇醪具妙理何論清者爲
聖濁者賢我來梁安寡儔偶落拓一官同做帚胸中壘塊
故須澆瀟灑如君洵我友鬢髮蒼蒼兩頰紅興高奪幟羣
英中謝元沈酣號酒虎中郎狂飲稱酒龍名流自昔類如

此萬事等閑見戲耳披劍莫更歌王郎會築精邱若山峙
殷然臭味苔岑親何妨與着犢鼻褌醉來不覺忘爾汝詎
羨門外紛朱輪素心落落同所託惟有雲烟兩期約便當
挹袂攜壺樽朝踏巖巒暮林壑

舟泊采石

森森大江流扁舟此暫休濤聲喧洞口噴色壓磯頭擒虎
猶餘岩騎鯨尚有樓停橈賞清景剛值水天秋

采石登太白樓

謫仙人不見祠尙俯中流終古此江水浮生一酒樓舉觴
邀賀監感遇識荊州搦管思題字先生在上頭

涇川詩鈔

卷十五

十五

宿巖關寺

小憩巖關寺蒼然夕靄生雲低連塔影雨細亂鐘聲僧返
穿林見蟬飛過樹鳴深宵感岑寂客睡苦難成

納涼

傍晚涼生處閒庭一味秋水邊羣蛤吠簾外數螢流淡月
露松際微風生樹頭蕭然當此夕心跡覺清幽

秣陵登餘霞閣

造物著奇文飛霞綯寰海赤城曾建標洛浦亦舒彩放眼
矚遙天詩情于此在茲閣何率律構自彭澤宰

閣爲陶氏
建姚姬傳

先生識其
事于額跋妙景卽元暉襟懷極瀟灑大江相迴環終古長

不改返照耀金碧森森疑錯綵三山儘堪望久坐拄頤頽
天外隱檣帆檣聲聞欵乃欲看孤鶩飛倚窗如有待

石巖山晚歸

山中多白雲踏雲下山嶺回顧寂無人斜陽澹峯影

早行

未曉戒行路征人方擁鞍露多山氣濕月小水光寒遠夢
催初醒幽情簇似攢故園諸社友誰爲憶長安

趙星垣字紫乙號雲閣庠生著有雲閣遺草

蘆花

蘆筆生花晚江天欲寫秋亂雲迷蟹舍晴雪壓漁舟別浦

涇川詩鈔

卷十五

十六

縈宵夢飛鴻動遠愁不堪雙鬢白酌酒莫登樓

皖江客邸送石琴才歸宿松

作客共淹留分襟江水頭憐君今日別動我故園愁馬色
楓香驛帆痕桑落洲雙魚如有寄好囑向南流

胡紹曾字繼先邑庠生

訪友

松花晚落雨初晴攜杖尋來興勃生莫道君家難識認隔
林深處有書聲

台兒庄

雨潤長途土不霑車箱穩坐愛掀簾風光漸有江南意紅

杏梢頭露酒帘

趙校字夏宗號毓堂庠生著有毓堂韻同毓堂詩遺

琴溪

峭壁摩青漢溪聲度遠林橋分蒼野澗竹抱白雲深殘碣
經風雨空臺釣古今道人乘鯉去應爲少知音

謁項王廟

英雄雖飲恨不必愧江東試看秦家鹿今非屬沛公

潘鳴鑾字殿颺號玉坡負才早世時論惜之著有玉坡

遺草

傷春曲

涇川詩鈔

卷十五

十七

樓上誰人弄玉簫聲聲嗚咽最銷魂東風畢竟歸何許只
見飛花度小橋

村居雜興

悟破生涯一水漚浪花聚處暫淹畱氣多蔬笋詩嫌俗居
近溪山夢亦幽對鏡不妨癯似鶴營巢原是拙于鳩今朝
有喜人知否買得奇書貯小樓

利名不作一錢看破帽單衫傲長官涉世半如行蜀道浮
生信似夢邯鄲吟從病後詩懷減話到愁邊酒量寬飲軟
茶甘吾事了高眠常至日三竿
傲骨原難與俗儕有花月處便開懷一生清課惟觴咏半

世光陰誤米柴素志仗他三尺劍青山踏破幾雙鞋荷鋤
擬倩人隨後醉便扶歸死便埋

怕被旁人識姓名林泉卜築自陶情室懸古畫遮牆缺堂
蓄殘甌補砌平擬守舊書貽子弟從無奢願慕公卿讀殘
周易吾何笑笑指乾坤一畫成

草堂秋夕

柴門不許俗人敲借得南華手自鈔酒渴烹茶收竹籜夢
回琢句炙松膠亂山裹霧沉嵐氣病葉經風墮水坳露冷
碧天何處雁月鈎初上桂花梢

涇川詩鈔 卷十五 桂表弟

十八

涇川深處露僧樓花壓檐眉柳出頭自笑今年足清福出
城早作踏青游

翟錫蕃字接三號瑤田郡庠生著有古儲書堂詩草

秋日游齊山

夙有登臨興從今始一過潮迴湖面瘦秋入客心多幽澗
響殘滴古碑生綠蘿鄂王遺句在容我向崖摩

石上鐫岳
忠武詩

杏花村懷古

揚鞭出西郭風壓帽簷斜爲訪題詩蹟先尋賣酒家夕陽
亭四面芳草路三义欲步司勳句歸途急暮鴉

金柱關夜泊

客思風塵苦蘆中
慙息機疎鐘荒塔杳
野火釣船歸月色
一篷淡蟲聲兩岸
微幾回眠不得
夢逐白雲飛

王枝一字却林號
馨山附貢生著有
怡老吟

秋曉卽景

平明啟戶淨塵氛
東角墻頭日欲昕
石碓響開浮瓦霧
寺鐘敲散繞山雲
婢鬟戴菊雙單葉
童子攜書三五羣
自在爲懷何所似
鷗閒汀上意欣欣

吳紹儀字燕貽號
薇軒稟貢生歷官
亳州學正穎上縣
訓導著有薇軒詩
草

彭石夫廣文招賞桃花

涇川詩鈔

卷十五

十九

桃源古洞說神仙
得見開時別有天
幾樹紅飛墻外雨
滿壺春買杖頭錢
無言恨又逢今日
淺笑情還憶往年
却怪花魂羞命薄
東風一度一回鮮

曲曲池

心源疏活潑九曲
悟珠穿流水清盈
耳圍墻短及肩烹
茶頻汲月洗硯半
涵烟添種荷千柄
花時別有天

小瑯環

福地非凡地奇觀
匪所思通能知脈
望陋笑誤蹲鳴今
古隨機杼壇場費
騁馳如山堆几案
不惜月來遲

家識舟蒲房勸赴
省試作此以答

好語諄諄誨不休，顏齡何計出人頭。
長江約渡三千里，矮屋眠經十數秋。
聖主憐才常下詔，將軍到死不封侯。
陸家昆季雲斤具，快向蓬瀛造鳳樓。

胡先座字約堂號蓮浦廩生著有約堂詩集

戊寅不第入山有作

年年故里說雄文，賦罷長楊不獻君。
輸與詩人儘消受，滿山秋色數峯雲。

欲雨

欲雨眉雲重，蒼茫路不分。
柳梢低蘸水，山勢遠橫雲。
隔嶺歸樵急，危橋過客勤。
同心三兩友，咫尺感離羣。

涇川詩鈔

卷十五

二十

山僧

山僧耕種不曾閒，辛苦禪房暫掩關。
掃葉烹茶纔事了一聲清磬日銜山。

贈郭四仲謨

有道城東郭，清神掃俗空。
名言章句外，曠識古今中。
眼放浮塵白，詞高蠟炬紅。
桓譚久相許，未覺太元窮。

吳奎字星五號聚垣一號秋山太學生著有秋山草堂

詩存聽雨樓詩鈔邑志文苑有傳

舟中早起

曙色逗篷窗，亂蟲聲四起。
曉星挂樹頭，殘月落波底。
水鳥

夢未醒鶯墮寒烟裏

謝翟賁甫贈前山茶

桃花潭北前山隈綠雲擾擾籠莓苔清明已過穀雨催青
絲小籠迎風來剪刀聲徹烟霞堆攜來細焙燒松釵我嘗
求之不可得心焉羨慕長嘆息翟君素有嗜茶癖古瓶滿
貯龍團碧江南三月花事畢紅印緘封寄孤客此茶不是
日鑄茶此茶不是綠雪芽詩人一吸清思加霏霏香氣生
齒牙豪門酒肉休矜誇

遊齊雲山

天南一山拔地起蒼翠週迴數十里朝烟暮靄變陰晴積
涇川詩鈔

卷十五

二一

氣溟濛連野水天風一夕吹愁霖芒鞋竹杖來登臨穿雲
踏霧不自覺衣濕乃是嵐翠侵攀藤直上最高頂側身四
望開胸襟陰巖古雪凍如石赤日不到光磷磷幽禽若與
我相識穿花拂草啼清音松濤瀉地捲風雨猛聽鶯是蒼
龍吟迤透轉過山之麓峭壁盤空掛飛瀑茅庵結構依深
竹鐘磬敲破秋雲綠我來竟日不逢人手折巖花獻白足

臨高臺

今日不得歸明日不得歸登臺望鄉國千里浮雲飛浮雲
遮斷隴頭樹黃葉西風斜日暮北來鳴雁向南行願把一
書先寄去

渡江

烟水路西東茫茫一棹通江空畱夕照帆重飽長風宿鷺
偃寒渚遙山入斷虹頻年事行役誰念杜陵窮

秋夜獨坐

竟夕焚香坐蕭條似野僧雞聲沉夜月雁影落秋燈徑仄
圍修竹墻低臥古藤欲眠眠不得漸覺薄寒凝

得王肫然書

鴻雁一聲到故人書又來風寒補窗紙火暗剪燈煤老樹
下黃葉閒堦生碧苔何堪動離思展閱起徘徊

春波樓望月

涇川詩鈔 卷十五

二二

碧天如洗暮雲收絡角銀河一線流萬里沙塵常作客五
更風露獨登樓關山迢遞家鄉隔烟樹蒼茫旅夢愁嘹唳
數聲江上雁此時曾否寄書郵

游水西寺

春漲浮天一葉通僧樓纔打午時鐘小桃臨水有閒意遠
岫向人生笑容黃蘗場空香雨散秋霜閣廢暮雲封芒鞋
竟日忘歸去看遍石橋南畔松

過翟烟樵花間草堂次壁間韻

小築三椽傍水涯墻根一逕樹陰斜奚奴入市曉挑菜老
衲叩門春送花但借琴書供嘯傲不諳車馬困風沙幽棲

地僻行人少試比柴桑處士家

汪倫墓

開落桃花不計年一坏潭上臥寒烟墓門月黑狐狸哭神
道碑荒蔓草纏弔古有誰澆白墮踏歌會解送青蓮只今
十里前山路猶聽人稱地主賢

螺磯靈澤夫人祠

祠樹蒼茫夕照晡永安宮殿久荒蕪江流有恨通巴峽環
珮何年返蜀都午夜月明家國遠殘春花落石磯孤扁舟
一棹鳩茲路忍聽聲聲叫鷓鴣

題漁家壁

涇川詩鈔

卷十五

二三

舍南舍北野雲流身外閒情狎鷺鷗江暝隔烟肩破網月
明吹笛上扁舟青山當岸畫屏立紅蓼着花潭水秋痛飲
高歌拍銅斗不將軒冕換羊裘

晚過古寺

茅庵僻處亂山村曲徑從無屐齒痕佛臥蒲團狐上座風
呼野樹葉填門危樓鐘冷雀空噪古鼎蘚纏灰不温惟有
一庭涼月色夜來依舊伴詩魂

九日舟中作

江天一雁帶霜飛有客移篷看翠微橘柚寒烟沽酒店菘
蒲冷雨釣魚磯山樵乞火燒紅葉野衲披雲當白衣老圃

西風開到菊捲簾人減小腰圍

將入黃山畱別翟烟樵

可憐海內能詩客同作天涯失意人
風雨孤燈秋後夢圖書一榻病中身
從知僊佛原無分却與山僧舊有因
十載論交此分手花開辜負草堂春

溪堤晚步

晚來信步踏莎行
白板橋低春漲平
最好水天空濶處
夕陽無語遠山橫

泊江口

江水亂流殘月墮
岸蟲聲苦客悲秋
卸帆牛渚看山色

涇川詩鈔

卷十五

二四

吊青蓮舊酒樓

春曉

芒鞋悄立蒼苔空
明月壓檐雲影凍
枝頭宿鳥呼不醒
魂逐落花香入夢

陳德修字損之庠生著有淡圃詩鈔

史相國祠堂

相臣披髮大荒寒
一紙家書淚未乾
高嶺疎梅新俎豆
孤墳荒草舊衣冠
長江東晉鞭難渡
臥榻南唐夢竟安
坐使笙歌傾社稷
九原遺恨枉登壇

秦淮

板橋絲柳影娟娟，秋到秦淮綠可憐。
船上詩牌蘇玉局，樽前歌扇柳屯田。
鰕簾蒜壓三更雨，鴨禱萍香一帶烟。
今日病中空憶昔，夢回湘簟不成眠。

霜

霜天無復露華溥，容鬢驚心歲欲蘭。
朝日萬家鴛瓦濕，孤燈昨夜雁聲寒。
人懷秦地蒹葭晚，秋老江城橘柚丹。
幾處衣砧和淚搗，不堪哀角動樓蘭。

余邇安字寶賢號靜庵郡庠生著有耕讀山房詩存

咏荷花

無端細雨洗塵埃，頓遣荷花滿沼開。
一枕羲皇清夢醒，微

涇川詩鈔

卷十五

二五

風幾度送香來

宣州道中夜行

朝辭宛北暮涇西，一路歸心趁馬蹄。
四顧無人天欲曉，疎星淡月子規啼。

送春

一別動經年，怕聽鐘聲曉。
暗祝今夜長春夢，添多少。

涇川詩鈔卷十六

錫山顧 翰菴塘編輯 涇川潘陸才半樓校

翟慕庚字小蘭號烟樵諸生著有花間草堂集十八卷

邑志文苑有傳

途中

有淚灑風雨無書託雁鴻
一身殘照外匹馬亂山中
奔走生涯拙歡娛往事空
故鄉不可望江上老丹楓

橋東山館

帶雨夕陽紅不斷過橋溪水綠
初平雁從落葉聲中度雲
向秋山缺處生

涇川詩鈔 卷十六

古寺

古寺無僧花亂開四圍壞壁長莓苔
行人繫馬日停午黃
葉滿山風雨來

花間草堂雜咏

新年重構舊亭臺半傍林隈半水隈
四面湘簾齊捲起春
山綠過短牆來

桑柘陰陰曉氣溫
槿籬疎密散雞豚
昨宵幾點社公雨一

路野花紅到門

豆棚瓜架足生涯况有桐陰繞逕斜
更闢水田三十畝中
間多種白蓮花

黃雲刈盡穀登場正欲添綿禦晚涼門外丹楓籬落菊一
齊粧點過重陽

霍香泉琴心松意圖

一松翠欲飛一松枝欲折更有一松雲外撐似爲青山來
補缺幽人手攜綠綺琴松陰跌坐神清絕欲彈不彈秋思
結徙倚峰根佇涼月滿身風露袂衣單笑指松花落黃雪
青山謁謝元暉墓

露筋祠

涇川詩鈔

卷十六

二

滿湖秋水平如掌白菡萏花高一丈落日無人風蒼莽秋
蚊作陣自來往祠前十里青楓林祠內一片寒蟲吟東廊
老米作碑記筆筆寫出嬋娟心幽魂縹緲知何處紅牆雪
壁自今古愧煞高郵之猛虎神旂一竿花外豎土人祭賽
開簫鼓狐狸不敢入廟宇水天一白無烟雨

雨後自采石放舟之金陵

江南雨過寒潮起一葉秋帆行畫裏烟消霧散波浪平倒
轉青天作江底四邊空濶木葉稀望見吳頭及楚尾篷窗
釀酒弔西風今古繁華同逝水英雄一去天蒼涼野花紅
上當年壘絡繹蕭蕭風露寒臥聽秋聲一百里龍盤虎踞

天塹雄汴京壯麗奚似此可憐王氣黯然收結綺樓傾玉
樹死美人鐘鼓散如烟空城月黑啼狐鬼懷古情深夢不
成扁舟早到白門巖

菊江亭

晉代衣冠付劫灰大江風雨尙亭臺先生何處看花去我
輩重陽載酒來極浦烟昏波浪惡孤城日落雁鴻哀登臨
不盡鄉關思况復霜天畫角催

對素心蘭有感

井華浴碧上湘窈琴榻茶簾見一枝舊雨天涯半零落對
花容易動相思

涇川詩鈔

卷十六

三

吳拭字墨仙太學生官四川榮昌縣定遠縣知縣著有
共華學吟齋詩草課花軒詞草

漫興

管籥曲曲界橫塘桑柘陰陰補缺墻一夜雨聲春漲暖瓜
皮艇子賣魚秧

分幽窗

亂山缺處白雲低鄰舍歸來醉似泥一枕幽窗誰喚覺賣

花聲過板橋西

荒村

奇跡荒村裏飄然物外身雲容閒似鶴山骨瘦于人種竹

聊忘俗藏書不計貧今朝好風日隨意過比隣

落花

昨夜高樓一笛風玉顏飄泊任西東繁華畢竟成夢色
相從來本是空盧女門前芳草碧館娃宮裏夕陽紅傷心
剩有枝頭鳥細雨殘烟喚惱公

初夏郊游

聳肩吟罷送春詩策蹇閒行信所之箬笠人耕梅雨後陂
塘水滿麥秋時遠山杳靄雲遮塔古寺荒涼草沒碑隨處
勾留興未盡暮鐘邀月上疎籬

秋夜

涇川詩鈔

卷十六

四

小樓安置一床橫獨對殘燈翳復明愁陣應須詩抵敵睡
鄉端合酒行成菊經霜後香猶在蛩入秋來意不平就裏
會心差未遠怡然欹枕聽濤聲

伐木吟

縛茅倚山麓崎嶇山路長當路惡木立舉首如幕張覆蔭
數十畝陰蔽天日光野鳥巢其顛糞污落衣裳欲伐苦力
綿終日空彷徨有客昂然來力大身且強止步思少憇偃
蹇臥道旁拳曲更臃腫橫塞礙康莊對之發長嘆爾材非
棟梁既無松柏操又無梅杏芳歲久勢崢嶸良苗受爾殃
巨斧削其枝利鋸截其章瞬息天曠朗眼界生清涼明輝

照我室細可鑿毫芒快哉一呼酒醉嘯踞胡床日夕衆鳥
歸覓宿情倉皇迴憶昨暮時飛鳴任翱翔一朝失所倚悽
悽聲斷腸不信惡木伐人喜鳥獨傷忽然感世事好惡安
有常

筠連口號

筠連多山田盡種梁與黍三日不雨土已乾十日不雨農
叫苦日陰如深秋日出如炎暑可憐衣服無四時忽衣厚
綿忽衣苧更有煤氣蝕銅鐵鑽人鼻孔傷肺腑有肉不可
食食之腥欲吐有水不可飲飲之脹成蠱我來時冬至今
已屆端午民貧官亦貧百廢無一補事事皆因循慚爲一
涇川詩鈔

卷十六

五

縣主筠連筠連安能居我欲歸去學樵漁朝擔柴兮暮釣
魚青笠綠蓑樂有餘

朱格字壽平號仁齋太學生由戶部郎中官四川嘉定
府知府著有學觚隨錄省志宦績有傳

游連臺寺

筆架峰環列中藏選佛壇山圍松影亂泉帶梵聲寒座湧
蓮千葉門芟竹萬竿

地向多竹今已
十去八九矣

徘徊鼓游興不覺夕

陽殘

散步

蒼然平楚外眺望洗愁顏春霧半臨水夕陽多在山有愁

憐蟻鬪無事等鷗閒指點來時路人家已閉關

過龍居寺

路入招堤境山山積翠分鳥啼三徑雨僧臥一樓雲浴蘭
石泉漱烹茶松火焚不知天色晚樹杪挂斜曛

山中晚眺

憑眺意忻然扶筇古木邊鴉銜將落日漁唱半殘烟遠水
碧鋪地亂峯青挿天偕行二三子各自聳吟肩

晚過琴溪

籜筵十畝路三义無數楓林醉晚霞隱隱炊烟出籬落琴
高巖下有人家

涇川詩鈔

卷十六

六

王卿字亦三歲貢生著有宜樂堂詩集邑志文苑有傳
岳武穆墓

十年功績痛垂成忍使香盆聚哭聲三字風波移宋祚一
門忠孝落秦阬於今有樹皆南向當日無人再北征剩水
殘山畱不住棲霞嶺上獨崢嶸

按王卒後獄卒隗順負屍
潛葬于九曲叢祠孝宗時

徙葬棲
霞嶺

韓蘄王墓

錦衣驄馬耀軍前十萬金兵潰似烟縛虎幾人投陷阱騎
驢一着是神仙傷心南國輸金日放膽西湖載酒年讀罷
豐碑尋別墅翠微亭在最高巔

過明故宮

當年建業作長安應運還誇龍虎盤
海色曉連宮闕迴江聲春抱國門寒
未央蕭相營初罷東府揚州制更寬
今日禁軍調馬地雨埋三殿玉欄杆

石城淮水作金湯勢可偏安運未強
帝有微詞光祿竈佛無全力誌公藏
千秋長策思婁敬一代陪京擬洛陽
紫蓋黃旗何處是不須金厭已消亡

朱廷黼字素濤號味莊廩貢生著有味莊遺稿六卷邑志文苑有傳

大雪行

涇川詩鈔

卷十六

七

玉龍鬪罷銀河傾百萬鱗甲爭飛騰
朔風怒號亂雲蔽陽氣下戰陰上凝
五車兩騎正奔走天地一色同光明
雪勢漫天天欲凍雪花鋪地地無縫
不省春從何處來千樹萬樹羅浮夢
野人但少黃綿披廢園都將白玉種
袁安僵臥不出關盤蛇一逕誰往還
凍雀聲寂四野靜照人朗朗皆玉山
山前山後沒樵逕樵者此日翻清閒
天公毋乃太游戲剪出六霽亂委地
遇圓成璧方成珪寸石尺磚皆重器
可知瓦礫質縱粗亦有光華偶覆被
試拘寒香經灞橋吟鞭三尺麾瓊瑤
不妨積素重氈笠好借飛花添錦袍
試乘虛白坐精室美酒一斗消頃刻
不將俗冗計纖毫且喜人

烟有慶色胡爲乎千愁萬緒暗縈抱片片幾沾兩鬢皓君
不見一瞬光陰便白頭如此青山也易老

黔中題飛雲巖

天末橫飛雲一朶何處頑仙戲推墮大風怒逼雲頭開羅
鬼爭將雲脚鎖雲旣隨風猶動搖風亦隨雲亂堆塚至今
雲尚不飛去輪與老僧作屋坐廣可三椽深雨間真是魚
鱗千萬瓦潺潺瀑布懸雙龍如爲愁雲吼無那塵世須除
氛垢來休惹雲頭更傾瀉征夫到此大驚怪何苦蓬山股
割左教他九夏作奇峯且不崇朝雨天下

相傳巖性好潔昔有信宿于此

而身垢者旣去則瀑水突至

涇川詩鈔

卷十六

自遣

已過嘉平節孤懷自爽然得間眞福命掉醉亦神仙眼尙
青知已頭空白少年何如尋舊約松下一流連

吳門舟次寄家硯谷

蒲帆一夜飽西風又聽寒山寺裏鐘歸夢正穿松竹到旅
程偏覺雪霜封偶然蓬口橫肱坐多少花枝對面逢爲問
故園梅信早阿誰先約踏旗峯

培風閣新樓落成

比屋如鱗爽氣徵朝來閒借曲欄憑晝聲隔竹繙文選水
色當窗夢武陵幾處曝衣低月榭誰家分地臥瓜藤懸知

登嶂重開處北望昭亭隔幾層

郡中方修
登嶂樓

驕寒

陣陣寒威逼暮冬關山欲釀雪花封征裘新換終嫌薄凍
墨重磨卒未濃倦客吟懷空悵望長途歸夢并幽慵可知
臣節風霜苦又駕星槎祭水庸

家大人有
開河之行

獨對

瀟灑芸窗夜色侵當頭明月最知心燈移寢壁窺餓鼠樹
借隣家宿凍禽幾縷篆烟飄細細一堂書篋鎖深深何如
舊閣青山裏花竹叢中抱膝吟

答春谷招遊黃山

涇川詩鈔

卷十六

九

西湖回首兩峯遙沽酒當時第幾橋勝地原畱君作伴名
山也要福能消須占風色防秋雨好借松聲聽午潮便是
蓬萊容展齒可堪塔滴正瀟瀟

百二前程藉杖藜不妨野館暫幽棲輓爐石鈔追隨便桐
帽棧鞋檢點齊竹葉酒沽從量飲蓮花峰合踏雲題山中
倘有天台境未許劉郎告路迷

謂質園

偶閱黔志及田蒙齋中丞黔書戲採其中二字成對

金附節數語畧參聞見賦詩三十首

選二十
六首

蘆笙

苗俗每歲孟春會男女于野擇平地爲場謂
之跳月男吹蘆笙女振響鈴應之自相配偶

其笙六管六孔長
四尺三四寸不等

截將蘆管炙爲笙跳月狂狂韻自清六孔銜來鴻雁嘴一場吹作鳳皇聲總求引合雙成調不覺爭馳子晉情試聽振鈴歌一闋居然琴瑟競和鳴

銅鼓 諸葛銅鼓蠻人寶之或掘得卽謂武侯所遺不辨真偽歲時宴會輒擊鼓爲歡疾病無醫藥但擊銅鼓銅沙鐸以祀神

金聲誰擲地鏗鏘銅鼓由來重夜郎借與山靈借簡簡山在貴陽府東每陰雨如聞鼓聲爭誇漢寶擊鏜鏜非如威斗銷兵氣獨助天魔舞鬼方何處沙鐸相響答病苗終日祀神忙

花毬 狝家苗婦多織好用絲布編爲小毬名曰花毬視所歡者擲之奔而不禁嫁乃絕毬亦跳月時所用也女貌寢者無人擊去歸則不齒

涇川詩鈔 卷十六

士女紛然會孟春狝家毬更結花新條條彩布爭跳月顚顆明珠亂滾塵謔浪亦持紅藥意團團如擲素娥輪可憐冷落無鹽貌難作凌波解佩人

色線 黑苗死者生前所私各挿竹于墳前繫以色線其俗又建空房名馬郎房未婚嫁者遇晚

聚歌焉

猶折筠竿挿墓門參差外婦立黃昏繫來色線都三尺穿得啼珠各一痕野繭自抽蠶妾手情絲聊慰馬郎魂何堪刺繡拋殘處依舊紅妝唱晚村

桶裙 狝狝有五種男女皆一幅布圍腰旁無襜積謂之桶裙花布者爲花狝狝紅布者爲紅狝狝凡女子將嫁必折其二齒

信有遐荒鑿齒民，猿狂男女盡拖裙。誰從桶式參新製，或仿帷裳誤舊聞。草色幾如平斗染，榴花偏欲兩家分。笑他跣足全無屐，怎入風流大雅羣。

鬋帽

花苗婦人斂馬鬋尾雜人髮為髮大如斗或又作小帽甚精細

細髮柔鬋，手自蟠蠻娘為髮，更為冠，加三恰受蒙貂賞。

可作

帽從衆休同附驥看，玉勒春游差可稱。金飈秋動慶相彈。

黔山深處多龍種，便戴龍鬚一據鞍。

頭錢

馬郎房聚歌情稔即以牛隻行聘歸三日便回母家索頭錢不與或另嫁有婿女皆故猶

向其子索者名鬼頭錢

聘錢竟自等纏頭，偶遇空囊亦足愁。三日從來春有價，雙

涇川詩鈔

卷十六

十一

星已隕債仍收，縱教紅粉由君約。敢少青蚨與婦謀，試問洗兒存幾許也。還搔首幾回不。

耳環

苗俗男女多懸銀耳環極大或四或二婦人又戴銀項圈

貫胸異狀傳山海，貫耳奇風笑此曹。三漏不會穿一箭，大環幾欲配雙刀。項圈掩映光爭射，輪影迴旋態亦豪。為示

四聰垂黠續，應知傾聽遍蓬蒿。

蠟布

花苗裳服先用蠟繪花于布而後染之既染去蠟則花見飾袖以錦故曰花苗又武侯錦

用木棉線染成五色織之相傳銅仁蠻兒女患痘侯教織此錦為臥具立活

居然服色一支分，蠻布粗疎蠟繪紋。十幅木棉蠶婦笑，幾番花樣蜜官勤。和來剪燭膏成彩，裁到弓衣質有文。更替

兒童爲臥具武侯錦自映續綉

繭綢

漢書野蠶成繭被于山阜人收其利此亦如之綢出遵義

收來蠶繭織停勻附入綾羅色亦新三起三眠功在野不
豐不儉服宜民翻驚香草供園客便當冰絲獻海人四十
八支都衣被夜郎原別有經綸

聖蠶

黔巫之南舊爲南州州人取犢兒結腸中細糞調在醃中方餐犢肉名曰聖蠶無此不成

筵局

又有麻蟲裹蒸乃取麻蔓上蟲如今之刺猯以荷葉裹而蒸之

誰宰童牛饗大賓南州異味太鮮新不將穢惡憑薑去翻
比軒菹借醋勻四座鼎烹剛卜角八蠻痴癖競沾唇野肴
更進麻蟲裹原是盤瓠作主人

盤瓠卽高辛氏之大衛吳將軍頭者也爲苗蠻始祖

涇川詩鈔

卷十六

十二

醕菜

黑苗用蕨灰浸水所得雞豚鴨鴉等物連毛藏置之甕中俟其臭腐始告缸成名曰醕菜

又仲家苗亦作醕稱富積者則曰貯醕桶幾世矣

不分雞豕與鴟鴞百和成缸俗共誇慕此如羶成蟻國釀
來非蜜愧蜂衙解腥絕少葱兼味宜腐還求蕨借芽數桶
果能傳奕葉居然羅甸季偷家

葍醬

葍花如流藤葉如華撥子如桑椹其味辛香黔人澀其油醃爲醬可消瘴癘

峯巒瘴氣曉溟濛却病須知葍醬功流味鄉隅賦已蜀分

甘客使記唐蒙

蜀都賦葍醬流味于番禺之鄉漢書西南夷傳唐蒙至南粵食蒙葍醬問所從來曰

道西北并柯江

江出番禺城下鮮如桑落餐原好貴與葫蘆制益工杏酪

蔗漿何足道宜涼應識祀秋風

竹米

黔人言往歲多旱竹根生花結米若粳糯民間多採食之久則竹枯

嗷嗷哀雁遍遐荒林竹驚聞米粟香糶竟忽傳淇澳國餒

應先祀夜郎王今尚有竹王三郎祠非拋鳥爪珠千斛實饗龍孫玉

萬行憔悴肯同禾稼槁捨身誰似此君腸

土飯明萬歷間滋陽縣大饑忽有羽士指隙地曰下有土飯遂不見衆掘地尺餘土皆碧色微有穀氣一方取給地成窟隔歲麥將熟羽士俯地若有所拾窘忽滿再掘則皆沙土不可食矣

百穀原從此土生如何土竟飯編氓爪尖泥可嘗滋味牙

錯疆如競割烹官吏饑餐原白石晉書南海太守鮑倩入海饑甚煮白石食之

神仙施濟卽青精偶然指作嗟來食亦見區區漂母情

草器水牛皮爲之雕蟲鏤卉文采爛然

涇川詩鈔

卷十六

齒革荆蠻富本聞鬼方制器亦超羣先應利計千層甲晚

自花成五色文鈿盒中箱皆豹飾棋筒茗椀總犀分鼓鼙

久震苗蠻耳究竟誰操大匠斤

石花習安三壘河以下地勢劃然而開萬仞壁立一水怒流水漸行而爲陸廣爲烏江入蜀合

眠水而爲長江亦江之源也去河三十餘里有可處砦巖倍峻河亦倍駛上下六十里險絕處有石

花四月望後始發初塗朱班斑然三五爲叢漸長盈爲一片鮮明爛漫再二三日漸黃漸淡條歸

鳥有矣土人恒以其高下濃淡決歲之旱潦豐歉

習安峭壁接雲霞春過人間景漸奢天外削開山見骨霧

中看到石生花巨靈撒手憑天女劉阮多情問米家欲學

鬱林還滿載岷江源水泛星槎

砂寶

自馬蹄關至洋水熱水五十里皆砂廠也採者為砂寶伏土中响响作伏雌聲聞者勿得驚驚則他走響如松風

砂廠縱橫聚萬夫梯升縵墮汗沾濡山頭有璞方驚寶土

脈非盤已走珠箕斗僅淘金瓊碎網羅偏滿赤珊瑚空憐

竹節匏壺影颯颯西風笑守株

雄精

黃有雌雄雄則皎雌則黯黃之精為至寶光可奪日佩之宜男今為午節貢品

黔南山氣萃菁英物亦稱雄取用宏九貢獨宜重午節三

光尤秉太陽精雞人曉唱冠爭耀熊夢春占佩欲鳴未必

槐江堪並價黃堂塗遍更鮮明

鉛汁

凱里鉛能愈蠱毒磨其汁而飲之功與蘘荷葉等

涇川詩鈔

卷十六

十四

燒銀鍊粉不須談仙汁須從凱里探有髓名應高石虎論

功蠱可愈金蠶原非爐火丹偏好自有精華藥亦甘聞道

粵東酰毒甚瓊漿盍試採黔南

椎塘

入番婦人直頂作髻業耕織剝木作白日椎塘每臨炊始取稻把入臼手春之

舍南舍北水雲橫別有椎塘聽杵聲粟藁藏囤皮未脫荆

薪蕪竈力初擎清砧夜動仍相和野碓春喧合競鳴辛苦

拋梭機上婦匆匆晨夕擣香杭

跪井

白雲山在貴陽城南七十里蓋明建文帝遜迹之所上有羅永庵庵前有井名跪井汲者必跪乃可得俗傳以為溪龍取獻以飲帝者又有流米洞帝既去米遂不復流

羅永庵前跡可欵尚畱跪井傍禪扉觀天舊痛潛龍飲投

地新消渴虎威有水深如流米洞使人恭過釣魚磯平生
長揖經滄海不向雲山問是非

象塚

明天啟乙丑水西安邦彥蘭州奢崇明糾合

雷鳥蒙犯滇直抵馬龍黔省調陶土司兵會
剿有一象深伏小壘突出跑吼噴泥水作雲霧以
挫賊鋒復捲一悍賊擲天墜地有裨將乘機逐北
獲全勝象創刺遍體遂斃滇黔之人
爲封瘞土碣于馬龍南山之陽焉

衝鋒捲虜竟歸真想見紅牙矢石親雍溼奔猶綠燧尾泰
山重敢笑焚身鯨魚觀策名嗤豹馬鬣封加影畫麟天上
將軍山上土瑤光照耀亦傷神

龍坑

養龍坑在養龍司去貴陽百里壤接烏江土
人立柳院畔擇牝馬之貞者繫之可產龍駒

涇川詩鈔 卷十六 十五
洪武四年夏國長明昇獻良馬凡十而其色正
白乃得之于阬者身長十有一尺首高九尺有肉

隱起項下萬馬辟易
上賜名爲飛越峯

神駒飛越久馳名指點黔陽尙有阬瘴霧蠻烟宜馬到深
山大澤實龍生當年青海傳千里此地烏江問一泓八尺
玉驄何處換柳絲搖曳不勝情

鹿牌

龍里東狝狍村某年十月有鹿突至內一黑
者毛黝肉肥狝狍以火器斃之鹿項一銅牌

鑄孔明放生四
字食者皆斃

仙客分明認漢時宜春苑裏定相知千年鐵筆遺仁愛一
片銅牌作護持挺走竟遭羅鬼險放生空仗武侯慈憐他
湯火雞同命并此銷鎔亦可悲

鳩杖

羅羅之長曰頭目其等有九曰九扯最貴者
曰更直不名不拜錫鏤銀鳩杖僭擬師保凡

有大政
取決焉

更苴貴爵邁羣倫既命扶鳩更鏤銀羅國竟修羅氏職杖
山偏擬杖朝人九官獨策蠻推長大柄同持義取均漢代
仲秋會遍賜禮儀或仿舊耆民

吳彝銘字式周號識舟附貢生官浙江金華府通判著
有晚香草堂詩鈔吳越紀游草

登大觀亭

山色江光一檻通微茫雲樹辨西東墓門草綠悲余闕水
郭嵐青認皖公風急陡驚帆影亂日斜遙聽雁聲空興來
斗酒休辭醉坐嘯烟波杳靄中

涇川詩鈔

卷十六

十六

秋日過濡須黃姑閘同周華堂兄松坪游蓮舫園
湖上名園結構工夕陽影入小樓紅青山逶迤圍如幕碧
水迴環抱似弓雨霽修梧籠夜月天寒叢桂釀秋風輞川
別業懷摩詰住我詩中更畫中

襄安

廛舍如雲接喧嘈鬧市聲場登香稻熟網曬夕陽晴岸柳
圍疎影沙鷗訂舊盟回看泊舟處蟬咽暮烟橫

游桃花潭

鳥啼山雨歇清風吹衣襟放艇發長嘯千尺桃潭深俯瞰
碧波澈清澄沁我心彩虹列平岡遙接壘玉岑古洞闢雲

壑空竅棲飛禽汪倫不復作謫仙何處尋陽湖雨僊客足
跡先後臨前洪兆江太史游此今邑侯趙厚子先生勸建書院適至我今續舊游對客
揮毫吟客與北江敵詩句珍瑤琳不覺夕陽落新月懸疎
林

六橋烟柳

綠暗青濃柳影斜六橋烟雨亂啼鴉蘇隄舊澤今猶在半
種桃花半酒家

浙江秋濤

雪山萬丈戴鯨鼉風逐雲驅湧怒濤獨有廣陵秋八月江
潮翻比海潮高

涇川詩鈔

卷十六

十七

三天竺在杭州府西

平坦中分大路環龍鱗夾道隱禪關重重古寺三天竺只
見長松不見山

烟雨樓登眺在嘉興南湖中

碧水環城一派流地當高阜聳層樓最宜好景春三月恰
對平湖月半鈎咿軋櫓聲來畫舫悠揚漁唱過蘭舟此中
烟雨多情處憶到蒹葭白露秋

舟經構李郡夜作

支派源流曲曲通往來舟過石橋中沿河多石橋汀洲露冷楓

全紫水園花疎蓼半紅千里月明牽客思二毛色變感秋

風天涯尙有未歸雁聲逼宵寒萬籟空

清明日口占

雙溪水漲雨新晴過眼鶯花感舊情通濟橋邊楊柳綠客

中今又屆清明

丙申春仲奉和邑侯顧萊塘先生郊行卽事韻

入首錄四

蜀道燕臺取次行硯田秋好儘堪耕性情時向知交訴學問全從閱歷生吳下士多虛席待都中人每降階迎詞壇早樹東南幟豈獨循良播頌聲

化洽猷州別有春粉榆社散養蠶神萬千竿植湘江竹三

兩家收楚客蘋頓使荒陬增氣色都緣大筆爲鋪陳山村

涇川詩鈔卷十六

十八

枉駕輝蓬華信宿暫停馬足塵

陵陽城郭幾經秋版築重興檄上游名父爲官原共樂靈

臺趨事復何愁異時同上雙溪閣此去應登疊嶂樓愧我

駑駘材力薄謬膺折柬賞名流

紫荆樹下是儂家淞水旋帆雨鬢華南國歸來梅獨種西

湖別後柳重芽六橋舊雨猶堪憶兩袖清風敢自誇贏得

詩篇如束筍只慙秃管不生花

趙景儼字思若號坤安邑庠生著有守愚齋詩鈔

題烟寺晚鐘圖

夕陽天欲低空山鎖烟霧杳靄古招提中有高僧住林莽

振錫歸暝入盤曲路鳥雀寂不喧漁燈迷遠渡蒲牢鳴一聲涼月掛高樹
不用寐森翠掛團圓
題秋山夜讀圖

暝色下簾鈞書林足泳游山中羣動息樹杪一泉流此味濃于酒君懷淡若秋挑燈還作賦童子已垂頭
憶梅

憶昔寒梅放巡檐索笑忙
渴來憑借問會否已含香
驛路誰人寄清宵客夢長揚州何遜在東閣獨彷徨

吳奕簪字翊卿號蘭泉廩貢生官廬江縣訓導著有半畝廬文鈔半畝廬詩賦偶成

涇川詩鈔

卷十六

十九

畫竹草堂夏日卽事

老樹杈枒竹短長
筍根穿石露鋒鋞
編籬好護千竿綠
繞舍偏生六月涼
梧葉雨敲欹枕夢
藕花風送隔簾香
官閒笑看塔前蝶
接翅翩翩過短牆

明教寺

在廬郡東城外

古井泉從屋上來
梵王宮殿壯崔嵬
老僧不識興亡感
說是張遼舊將臺

芟竹

壓簷刪却兩三竿
不用森森翠作團
好放此君頭地出
爲儂日日報平安

種梅

乞得孤山處士梅一鋤明月帶霜栽可能紙帳深深夜待我扶持清夢來

思歸

長途渺渺黯黃塵觸撥離懷獨愴神明月滿天偏作客暮雲無際倍愁人鄉遙祇覺音書隔署冷聊憑筆硯親况復一行征雁過秋風落葉大江濱

宿禪林陡聞鐘聲

深深古寺占山坳破曉清鐘百八敲喚醒軟紅塵客夢一

官何苦等懸匏

涇川詩鈔

卷十六

二十一

卸篆

雅負頭銜署廣文青氍坐破愧無聞好辭薄宦歸田里從此懷人在水雲珍重篋中詩一卷勾畱湖上月三分多情最是河橋柳縮住離愁向夕曛

無雨夜悶坐

徹夜無眠數短更黑雲如幕罨江城挑燈靜聽蕉窗外不辨風聲是雨聲

潘流延字維城號清谿安貧嗜學著有清溪遺藁

雨後古溪晚眺

積雨新晴漏落暉隔溪一帶麥苗肥老翁薙罷莎莎草拾

得松柴荷鍾歸

客中見雁有感

南來北去總隨陽辛苦天涯覓稻梁寄語弋人休仰慕憐
他飄泊爲炎涼

沈暉字闕瞻號遽修貢生著有壘篋草

題鑿平兄水西垂釣圖

先生之志在流水曠懷日對滄波裏釣魚不知魚有無捲
取風光入畫圖西溪着個烟霞客一竿穩占遺民石四圍
春色鎖漁磯片片霞翻桃浪赤雲水蒼茫別有天寰中幾
處武陵源脚跟猶帶九州烟兄時從浙
閩游歸對此情移秋水篇

涇川詩鈔

卷十六

磻溪翁羊裘子名士風流類如此此中意味有誰知陶然

且歌漁父詞

中秋夜獨坐

庭樹森森靄北堂廿年行止付滄浪分將頭地推入出轉
恐雲山笑我狂千古文章根肺腑一時結習任膏肓等閒
坐對中秋月酒盡燈殘夜未央

感懷

一局殘棋劫欲終幾般機械勢旋空雲消雨散天無意燭

燼花飛夜有風歌泣不常聊自適盛衰百感有誰同傷心

三十年前事一二分明在夢中

殘年陟覺鬢華侵病體臨風半不禁強我忘憂須對酒誤
人廢曲爲知音是非難定生前事得失誰存物外心秋思
滿天何所寄幽人居處白雲深

咏菊

大抵繁華夢不長一年香信太匆忙裁成瘦骨秋先病吟
到黃花句有霜籬落境寬容蹇傲羲皇人去減清狂分明
好酒爭攜處曉色淒迷晚色涼

楊瑗字崑南號璧文貢生著有補廬詩鈔

閒中

閒中參妙理好景悟當前花到開時足月從缺處圓松聲
涇川詩鈔卷十六
晴亦雨山色斷還連日影苔堦暮三杯養性天

初秋

日暮堂空燕欲回中庭露冷桂將開團團蕉扇情難捨爲
語秋風緩緩來

水西春行口號

人愛水西山我愛水西水春風花兩岸舟行看不已舉頭
看岸上低頭看水底風吹花瓣落游魚下上躍紅浪泛白
鷗綠蛙鳴閣閣停舟水中央何必尋邱壑

人愛水西水我愛水西山山有凹凸凸凸起峰巒凹裏
住人家茅屋竹籬笆繞籬插青翠森森嫩笋芽碧雞山頭

曲白雲谷口茶有客尋春到滿山碧桃花

編詩自嘲

半生辛苦事編成三卷詩卷分上中下大葉與粗枝間有
一二佳不過偶得之亦有興到語聊可解人頤然難盡人
愛愛亦我不知我也是伯牙我也是鍾期我我自相賞自
沁自心脾蠹魚不識字偏欲學書癡搬薑鼠無味無奈性
如斯譬彼古西施效顰有東施東施若知醜安得名並馳

初寒

初寒天氣愛斜陽晝短難辭漏漸長昨夜一霜楓葉赤今

朝三逕菊花黃思量茅屋重新盡檢點吳綿可在箱莫訝

涇川詩鈔

卷十六

二三

天時分冷暖人情到處有炎涼

暮秋

四山紅葉舞翩翩撩亂閒情又一年雨後人歸秋滿地霜
高風起雁搖天短衣匹馬長亭路破網斜陽野渡船欲擬
東籬賦黃菊幾回愁過大隄邊

客邸憶水西

西水溪邊是我家釣竿漁艇足生涯春來底事不歸去孤
負一山紅杏花

補廬雜咏

烏啼月落夜窗虛夢想生平未盡時一笑欣然搓手得青

涇川詩鈔卷十七

錫山顧翰兼塘編輯涇川潘陸才半樓校

吳檀字旃香號蘆仙蔭生官工部都水司主事著有我

意草

雨窗卽事

青燈黃卷憶髫年顧此頭顱思惘然氣質難柔資學養功名未就借詩傳書餘鳳味存殘墨琴斲蛛絲骨斷絃從古升沉如轉轂何煩楚些問青天

會開三逕待羊求石畔松間互唱酬愛聽雨聲多種樹貪看山色慣登樓家書寄遠緘藤紙旅劍隨身剩蒯緱好趣涇川詩鈔卷十七

晚來炎熱退一樽濁酒與扶頭

破額簾遮折脚床養生齊物效蒙莊紙窗不補延風入竹簞勤指似水涼坐對雲山慙句線行吟花月樂徜徉翩翩忽覩雙胡蝶飛過鄰家亞字墻

梧桐葉老暮鴉催小閣凌空四面開石磴圍棋耽野趣枳籬護菊作閒媒半囊藥草分鄰惠一領莎衫付妾裁捫腹莫嗤吾負汝乘潮稻嶼已輪魁

落拓生涯諱說癡閉帷下學已嫌遲問心差信一無好遇事何妨三不知與客豪吟聯險韻借僧響揚續殘碑東山謝傅名奚補高枕羲皇卽我師

米珠薪桂際時艱
小草何心竟出山
家計迫於風鶴退
郎曹冷比海鷗閒
石堪稱丈從容拜
花不成行信手刪
也識尋常隨分過
鏡中偏改本來顏
五十年間幾剝那
豪情逸興頓消磨
焚香默坐味禪掃
榻孤眠驅病魔
曲牖風來餘暑去
空庭樹少夕陽多
睡醒拄笏延清爽
翹首西山放浩歌

五十述懷

敢誇文史足三冬
西抹東塗愧薛逢
豎義每思摧筆陣
劇談聊復避詞鋒
新巢莫定窮于燕
故紙徒鑽拙若蜂
門戶支持原不易
終朝加意自彌縫

涇川詩鈔

卷十七

二

一葉扁舟下水西
滿天烟雨景淒迷
綠楊城郭連山迥
紅杏樓臺落照低
避俗師還參玉版
尋幽客共陟丹梯
箇中卽是仙源路
那管泉明別有蹊

小住京華二十年
故鄉三徑尚依然
初歸榻付獠奴掃
漸熟衣教稚子牽
性懶遲書求米帖
囊空慣欠買花錢
弟昆又值團圞話
一笑相攜競拍肩
病骨支離野鶴形
柴門常寂晝常扃
弟昆垂老分三處
妻妾無爭聚一庭
小楷雜臨司馬帖
古方閒試養魚經
疎櫺也要加粧點
拘得花枝揷膽瓶

朱宗道字履中號愚溪貢生題請旌表孝子著有愚

溪遺詩

雨後晚望

霽色杳何極
開軒增遠情
濕雲千樹暗
殘月半山明
倦鳥投林宿
寒蟬翳葉鳴
隔溪邀故侶
同作踏莎行

秋夜

夜色涼于水
小窗燈影孤
悽然怨遲暮
秋意滿平蕪
露冷語寒蟀
月明飛夜烏
滿庭芳草歇
顛覺葉聲枯
吳世登字翼如號雲溪太學生著有雲溪詩鈔

望江登高有感

吳頭楚尾此登臺
萬頃茫然一望開
水鳥帶雲衝雨去
風帆剪浪過江來
關山迢遞家千里
身世飄零酒一杯
任辱泥塗休痛哭
濟時原乏賈生才

望華山

一峰飛去一峰還
朶朶芙蓉杳靄間
呼吸有門通帝座
追陪無路接仙班
勢吞渭北低千樹
雄壓終南俛萬山
鎮日搖鞭行未遍
望中雲物渺難攀

潼關

百二秦關第一重
勢參華嶽逼蒼穹
蜺旌閃日風雲壯
雉堞凌霄鼓角雄
地控千山分左右
門開四扇峙西東
聖朝無事資天險
蕩蕩車書萬國同

蜀道

崎嶇徑仄水奔流蜀道艱難萬古愁山影東西迷白兔灘
聲日夜吼黃牛市中人集無平地江上風恬有覆舟寄語
南還游子道錦城雖好莫回頭

順慶府晚眺

山勢雲邊盡河流郭外斜傍沙搏白鷺隨地種紅花暝色
來千里人烟散萬家北樓久蕪沒何處眺烟霞

客中述懷寄家雲樵侍讀

黃花照眼感羈孤畱滯江鄉類守株大漠秋高紛落葉遙
汀風急戰寒蒲甘拋心力爲詞客詎望功名到酒徒寄語
涇川詩鈔

卷十七

四

不須仍說項此身已分老泥塗

幽居漫興

半椽老屋小於舟臥病經旬謝舊游暑氣漸消連日雨蟲
聲早報一年秋功名唾手談何易薪水關心夢亦愁誰識
幽居貧况味全家一飽擬封侯

大雷道中

華陽幾曲接西灣烟水泠泠罨畫間停泊船多江岸窄趨
墟人散市門閒臥冰池古埋荒草泣竹臺高俯遠山我亦
有書曾寄妹不堪酒醒憶鄉關

秋思

秋風昨夜撼窗紗起視東籬菊有華詩到中年多感舊夢
緣久客屢還家江流九曲雙魚杳雲路千盤一雁斜紅樹
青山數聲笛沾衣何必聽琵琶

讀六家詩鈔

詩中有畫王摩詰明月清泉寫晚秋千古何人嗣高唱綠

楊城郭是揚州 王阮亭

光芒萬丈照塵寰鼎足青蓮小謝間怪得新詩看不厭原

來家在敬亭山 施愚山

北宋巍然張一軍悲歌幽憤恨層層可憐八口蠶叢路無

復求書列茂陵 宋荔裳

涇川詩鈔 卷十七

秀水才華一代雄胸儲萬卷吐長虹別材妙悟非關學却

笑滄浪論未工 朱竹垞

烟波釣叟查初白伯仲新城綽有餘早歲詩名驚海內白

頭才得佩銀魚 查初白

浣花真派屬漁洋健筆偏能與頡頏不脫雌黃文士習孝

陵甯愧漢高皇 趙秋谷

讀小倉山房詩集有懷袁簡齋先生

金陵遙望路茫茫虛握南豐一瓣香畫壁應添新樂府停

車仍憩舊甘棠雲泥分隔生非晚雨露恩偏恨正長不及

紅闥諸女伴簪花猶得拜門墻

不作平原座上賓
九天鵬鷲離風塵
過江舊識真名士
臥雪終爲老逸民
文字獨傳千載秘
鶯花鎮伴百年身
一生消受神仙福
修得如斯有幾人
詞壇宗匠更推誰
上下縱橫筆一枝
老去精神龍馬健
本來心事水雲知
名齊坡老生無厄
壽比香山晚有兒
白髮風流佳話在
綺羅叢裏坐題詩
高臥隨園早挂冠
遠馳聲譽動長安
宰官宦薄抽身易
兒女情深撒手難
十部笙歌環綺席
六朝花月捧銀鞍
祇今空有遺編在
獨向西窗掩淚看

久雨臥病述懷柬湘南姪

涇川詩鈔

卷十七

六

山村面面拱烟嵐
濃綠千堆意向酣
日湧黑雲霾海外
天淹梅雨瘴江南
若無酒癖愁應死
倘爲詩窮餓亦甘
時米商開

水西登烟雨亭

閒過水西渡
來登烟雨亭
水雲千頃白
竹樹四圍青
塔勢凌霄漢
鐘聲散杳冥
廿年湖海客
飄泊此重經

野望

草色黏天沒燒痕
烟波無際逼黃昏
參差楊柳高低麥
綠盡江南處處村

過羅刹磯風雨驟至須臾復定直抵大通鎮

羅利磯邊路無風浪亦隨雲頭千樹暗雨脚半江垂水響
知帆疾舟行覺岸移履危規定力輸與弄潮兒

京華回首望依依曉日觚稜擁禁闈共道平津詞客盛誰
憐燕市酒人稀側身天地雙蓬鬢浪迹江湖一布衣老大
不堪還寂寂摩挲雄劍素心違

晚泊宜都

枝江猶在目鼓棹忽宜都百里蟠三邑千家控一隅人烟
黯城郭雲水浸菰蘆早晚投巫峽逢人說畏途

過新都

涇川詩鈔

卷十七

七

漸出華陽境新都指顧間荒城寒有樹平野曠無山一錯
嗟難鑄孤飛倦自還應知小兒女萬里夢刀環

五丁關

層巒疊嶂鬱崔嵬鳥道中分一逕開世路茫茫多險阻五
丁何事不重來

雷別諸友

蒲帆高挂入雲烟西指蠶叢路七千未必易于履平地何
妨難似上青天五更野戍鳴孤角三峽春山響杜鵑多少
詩人魂魄在瓣香先拜草堂前

攬鏡

攬鏡頻驚鬢有霜歌筵羞入少年場解嘲却笑隨園老未
必桃花向夕陽

袁簡齋詩若使風情老
無分夕陽不合照桃花

梁山道中

五月梁山道溪迴水急流林昏疑有雨風峭冷于秋店近
思沽酒衣單欲換裘坡陀緣峻嶺飛瀑落雲頭

癸未除夕有感

一歲光陰一擲梭飛騰暮景感蹉跎老成相繼風流盡未
路其如坎壈何愁似亂雲收不起債同落葉掃還多抱孫
強作團圞樂秉燭圍爐餞睡魔

和黃山谷觀劉永年團練畫角鷹秘書省作原韻

涇川詩鈔

卷十七

八

黃九好奇故無敵嗜畫耽詩雨成癖劉侯筆掃蒼角鷹健
兒掉臂動顏色絹素颯颯飛嚴霜軒楹隱隱搏勁翮蛾眉
深目真愁胡英姿疑挾千鈞力大漠朝盤塞雲黃穹廬夜
獵天山黑飛揚跋扈暫收斂獨立槎枒雪色壁風雲萬里
不凡材雙眸炯炯新點漆搜身欲令狡兔奔拳爪何來餓
鷗嚇老子磅礴興不淺金天殺氣貯胸臆畫省搖筆饒風
流一種豪情託高格此畫此詩各擅奇并寫俊物堪寶惜
會看一擊摩烟霄絳縱欲羈那可得

送石仙姪北上

燕臺迢遞三千里直上雲霄穩着鞭公子壯游方此日尙

書清節憶當年

石仙爲雲樵兄季子

鯉庭桃李春常好馬首風塵月

再圓多少醉翁門下士盍簪遙待鳳城邊

醉後作

浮雲往事底須論且向花前倒一尊頗可耐交惟筆硯最能催老是兒孫牡丹枝上春無賴楊柳梢頭月有痕乘醉悠然隨步履東村行盡又西村

集

郊行

縱眺來芳野江城畫絕工天光雲影外山色水聲中微領涇川詩鈔

卷十七

九

烟霞趣時迎澹蕩風詩囊誰可負新倩小奚童

游三天洞

樹綠漸婆娑芳郊載酒過峰腰行客少牛背暮鴉多一逕穿籬舍千山帶薜蘿日斜烟霧暝溪畔動漁歌

文杏庵

寂寂松篁裏招提露短牆我來閒徙倚古殿已荒涼佛髻巢偏穩禪房草自香詩人遺句在清韻繞空梁

施愚山梅東渚二先

生並有
題詠

適坐吉村

荒村一逕入烟霞隱隱樵歌隔水涯山僻時多雲繞袖春

歸應有客思家杜鵑何恨頻啼血
小草無名半着花
斷續
炊烟南畝外
林端早見夕陽斜

橋頭

橋頭昨夜漲痕加
渺渺烟波引勝踪
暖綠平蕪飛燕子
東風兩岸着桃花
行吟強半酬詩債
慳飲何須問酒家
好是漁翁塵夢少
笠簷蓑袂足生涯

過多義溝道傍有漢二疏故里碑

作好官多得錢
堂堂宰官身問舍兼求田
百年彈指竟何有
苦爲子孫計長久
吾愛漢傳疏仲翁
知止不殆心春容
招呼猶子辭九重
雲飛真真空際鴻
黃金百斤天子賜
獨

涇川詩鈔

卷十七

十

享殊非老臣
志名飲族邨
傾百壺餘金
莫使床頭儲
老人致微諷
云有舊田廬
子孫勤力足
衣食阿堵何必多
贏餘
桐帽櫻鞵日歡聚
君恩汪濊霑
扮榆君不見
穹碑雨過苔
花洗父老猶知二疏里

絕句

又過清明三月天
試敲槐火瀾新泉
綠楊城郭春風暖
添得兒童放紙鳶
春風春雨不須論
自抱閒雲枕石根
何處錫簫正清婉
曼聲吹過杏花村

催租謠

八月冷風穫未畢老農在田吏在室呼農爾來前爾胡不知律縣官新政催科急百里官糧限三日南城豪弁虎而翼前日圍扉辱徽纒西街舊宦居要職昨日公庭被呵叱諒爾小民不能匿吏色揚揚老農泣君不見穫未畢

寒江獨釣圖

嚴陵以釣終淮陰以釣始意皆不在釣釣人遂罕比北風蓑笠寒瑟縮者誰子嫋嫋垂釣竿無魚意亦喜一笑扁舟橫雪滿大江水

東阿

古邑魏東阿斜陽匹馬過雲峰接鄒魯烟樹遶關河霸業

涇川詩鈔

卷十七

十一

三分杳仙才八斗多墓門餘薜葐梵唄近如何

客懷

征塵僕僕話京華四載三偕計吏車節序感人看柳色生涯無賴踏槐花縱裁長袖羞懷刺未必傾城漫浣紗最是鄉思生脈脈碧闌干外夕陽斜
梨花零亂點苔痕旅館無聊靜掩門侍缺庭闈親白髮情牽兒女月黃昏北樓雲樹家山遠南國鶯花夢想存始信文通真慧業黯然惟賦別消魂

一紙家書反覆看朝來乾鵲噪簷端登樓倍起天涯感炊玉方知世事難客裏何堪人小病春深無奈雨添寒蕭條

旅况憑誰訴閒據瑤琴一再彈

前婦兒

婦病不可起有兒啼呱呱輾轉枕席間執手告阿夫妾身
既綿憒瞬眼歸邱墟魂魄所不忘惟此膝下雛饑飽與寒
煖屬累君勤劬阿夫垂涕言卿言一何迂父子本天性兒
譬掌上珠自當勤顧復肯使兒啼呼婦死媒妁來勸娶東
鄰姝謂姝實姣好不亞秦羅敷清歌按紅豆妙舞曳長裾
視歷涓吉日百兩迎門問阿夫愛新人琴瑟兩相娛嬰兒
得假母繞膝行扶扶兒嬌母心怒夫寵言增誣阿夫自外
來低語懇阿夫自妾來君家爲兒親繡繡繡著何好教
涇川詩鈔

卷十七

十二

盪今露膚東家餽炮籠西舍貽烹魚盤飧舉食兒恣啖無
所餘上街買餅餌尙索雙青蚨阿夫聞婦言嗔兒頑且愚
呼杖恣箠楚凌虐同家奴兒冤不得訴涕淚空沾濡舊人
言可忘新塚骨未枯

朱俞昌字禹言號榮圃嘉慶己卯舉人

登黃鶴樓

突兀壓汀洲春光占此樓斷雲低漢樹殘笛咽江流往哲
詩誰和真仙像尚畱鄱湖水波綠望遠動離愁

時將有豫章之游

雨後采石磯晚眺

薄靄收殘雨危峰掛夕曛風微猶作浪樹密自成雲雁陣

排空去漁歌隔浦聞江山增勝概對酒有餘醺

左士達字伯初號詢臣道光戊子副舉人著有種竹山

房詩鈔

秋晚有懷趙心一

涼雨滴疏桐荒堦咽候蟲一樽桑落酒十里桂花風客舍
清如此家山月正同詩成難却寄翹首盼飛鴻

代僧蘭石答友人

抱膝臥烟霞乾坤別有家杖敲黃蘗磬爐煮白雲茶詩思
秋原草禪心晚節花湖山新月上清夢憶曇華

秋日贈友

涇川詩鈔

卷十七

十三

寒山深處白雲遮茅屋三椽靜不譁一枕晚涼松子雨半
簾秋色海棠花琴書耽我師兼友風月畱君客亦家屈指
重陽佳節近莫瞻殘菊惜年華

春日水西卽景

江城春入畫圖中隔岸桃源一徑通花柳迎人三日醉恍
逢杜牧話東風

秋憶

雨過西山爽氣收湘簾暮捲一庭秋飛鴻遠帶蘆風去靜
夜懷人獨倚樓

吳承琳字玉林號璧垣諸生官司樂著有皖中吟菜香

柴門近水路三义
長屋扶疎樹影斜
學種芭蕉綠聽雨多
開窗格爲看花螺
杯浮綠朝酣酒爐
火通紅夜煮茶占盡
溪南好風景杉皮亭
子竹籬笆

甲戌夏苦旱商人閉
糶米價頓增
雷車未駕火雲燒
畏日當空土亦焦
飯量倍加知米貴
詩情頓減覺魂消
農人無奈難餬口
高士將來也折腰
野確不聞春夜月
山溪水落斷浮橋

新秋偶成

涇川詩鈔

卷十七

十四

鷺語鷗吟傍野塘
芰荷花落葉猶香
烹茶聲似三更雨
對月光添兩鬢霜
竹館蕭疎清夢熟
蘧樓隱約晚風涼
堆盤新喜萼絲美
差勝饒夫肉食忙
高齋近水氣澄清
深院風過劍戟鳴
市遠常愁無酒夜
債多最怕扣門聲
若論富貴非吾願
怎奈科名重俗情
爲課兒書閒點句
願無苗害到公卿
半生碌碌守蝸廬
米貴家難一斗儲
子爲嬌成愁食粥
妻因貧怕勸焚書
鐘聲在寺誰畱飯
菜色隨人晚剪蔬
不肯折腰求玉粲
學將鴉嘴事耕鋤

自古遺編若積薪
何須多箇苦吟身
字都認錯常慙我
書

未燒完最恨秦屈指年華原過半搗衣砧杵怕聞頻欲尋
樂事從何有賤不當差得侍親

魁山雜咏十首之六

書裏村鄉卽我鄉家家屋角有垂楊偶來狂飲驚山鬼每

到登樓憶侍郎

倡修庵塔家雲樵侍郎爲之啟

水漲灘聲晴亦雨雲圍樹

影暑偏涼琴琴高正好開春網一度斜陽醉一場

花樣新裁色斬新

新建六角亭

四邊收盡四時春凌虛我似孤

雲鶴習靜山如太古人堤外波平橋露脚杯中風過酒生

鱗茶天社火烟初起細雨連村認不真

山之巔與水之涯窗格玲瓏望不遮溪水綠澄漁婦鏡巖

涇川詩鈔

卷十七

十五

花紅入野人家來逢僧語茶初熟去被人畱酒復加醉囑

園丁無別事多栽新竹當籬笆

獨占東南第一峰禪堂久被白雲封往年破壁難畱燕此

日秋濤愛聽松孤塔高懸涼夜月小樓纔打午時鐘可憐

興廢常移局只有青山不改容

簷影高撐入翠微閒呼猿鶴共忘機春郊雨足紛挑菜溪

岸波晴見浣衣落日看雲連宿靄臨風把酒破愁圍輪余

齒折等幽屐側帽扶筇緩緩歸

屋角飛泉漱玉音流觴底自羨山陰可無詩草供禪悅尚

有曇花靜客心傍晚松風寒佛榻滿空嵐氣濕衣襟萬家

烟火千家柳認取前村是茂林
予雄叔新築西障山房落成賦贈

西溪雲水卜新居畫棟樓臺近釣磯
竹外好山青入戶籬根暗水曲通渠
垂簾靜乞安心法欹枕閒看引睡書
清福一生消受得蕭然無累有誰如

最愛斜陽晚掩門窗前屋後護閒雲
春聲雜沓知溪漲鈴語郎當隔竹聞
許我啣杯時酌酌感君下榻甚殷勤
幽居共羨神仙府賭墅烹茶話夜分

山居遣興柬黃髭耕者

詩無格律有天機小草斜行滿紙揮
人每囊空銷壯志吾

涇川詩鈔

卷十七

十六

偏醉後破愁圍客來竈婢工煨芋
寒到荆妻善補衣况復秋風滋細雨
園丁新報藥苗肥

閱盡繁華易變遷只須常拄杖頭錢
劉伶死後名猶醉李白生前句已仙
君會吟詩時捉筆我因養鶴欲求田
終身微賤原關命命不猶人不怨天

歲暮貧甚

魏走烏飛東復西助無將伯向誰啼
逞嬌爲愛衰年子交謫應憐禿髮妻
舊雨緘書多泛泛殘燈看劍獨悽悽
英雄老去心情改只願藏身似甕雞

依舊殘衫折角巾今年更比去年貧
如非結緣無知己祇

與樵青說苦辛明月清寒堪作伴梅花冷淡最相親琴書
以外無他物只有白雲贈故人

徐爵字修齋號望溪太學生例授布政司理問著有望

溪詩文稿

步杜牧之齊山韻

落日林間鳥亂飛病夫酒力已全微百年夢境誰曾覺一
棹天涯客未歸空翠山容凝暮靄新黃樹色弄斜暉臨風
漫作衝寒慮多少征人未授衣

晚步

一片溪山景招人幾度過暮烟山脚起落日樹頭多策馬

涇川詩鈔

卷十七

十七

誰長道騎牛已短歌此中有真趣碌碌竟如何

昭君怨

蛾眉遠別雁門關涕淚難禁漢使還寄語君王休愛惜近
來不是舊時顏

吳維藩原名維城字介人諸生著有古愚詩鈔

景梅亭懷古

亭前柏枝拗寒缺亭角梅花灑瓊雪詩伯吟壇春草深騷
魂夜泣陵陽碣憶昔詩體矜西崑梅公一代才名尊歐陽
傾倒天下重何止瑣瑣誇河豚五百年餘此亭時簾鈞倒
挽銀河水寒烟蔓草秋茫茫空憶風流范刺史溪上松涼

一鳥鳴雙羊石畔春風晴雲霞出沒有古色水籟呼吸皆
商聲吁嗟乎李白祠羅隱洞名流到處山川重况公桑梓
鄉底怪辦香奉我來着屐望晴空咫尺高樓接謝公君不
見子規啼血柏山渡黯黯青楓團古墓

太白樓望江

水國魚龍吼烟波一望空磯奔牛渚北江走鶴沙東宿霧
迷孤島晴雲夾斷虹不知天地外閒煞幾漁翁
一氣沒飛鳥樓高別有天波吞姑孰郡人上秣陵船醉眼
青山小吟魂自月憐茫茫今古恨長弔酒中仙

湖上放舟

涇川詩鈔

卷十七

十八

爛醉狂邀阮嗣宗西湖雲水話游蹤蘇堤春曉月初墮烟
外一聲何處鐘

小樓春漲畫欄低綠柳東風一剪齊酒冷茶香詩夢醒櫓
枝搖過六橋西

朱琮字濟川號清溪太學生候選縣尉著有玩月山房

遺詩

秋月

三五團圓分外明金波湧出海天清萬家砧杵同今夕千
里關山共此情影映刀環愁不寐寒侵玉臂怨初生人間
天上知何似每到秋來感易成

待雪

霜飈吹冷逼窗紗老樹偎烟幾暮鴉古岸雲陰團柳絮小
橋風色釀梅花遠思訪戴還攜酒清擬宗陶預煮茶幾度
窗前呵凍筆巧將險韻鬪尖叉

翟佩蘭字湘浦號香圃太學生著有香圃遺編三卷

舟中苦雨

積雨連朝合空江繫客舟濕雲迷嶺外薄霧鎖磯頭犬吠
前村夜鐘鳴古寺秋欲眠眠不得併作故鄉愁

近謝齋卽事

六月天如八月涼江城晝裏讀書堂風飄鈴語流清夜秋

涇川詩鈔

卷十七

十九

逐蟲聲到客床竹徑悄吟無俗韻荷池縱沼有餘香欲尋
小謝知何處空向中庭月一方

吳濱字澹門廩貢生候補巡政廳著有大易吟

題潘雲閣書種園圖

滿架藏書玉軸聯先生腹笥本便便高情不着公卿想愛
讀邠風月令篇

學稼聊希足穀翁披圖想見義熙風稻花香裏攤書坐笑

指生涯在此中

潘兆登字瀛洲號雪巖一號十癡少因家貧廢讀業商

長乃工詩畫年甫三十而歿著有雪巖遺草

春日過山家主人畱飲卽贈

唐詩文錄

尋春閑步到山家把酒籬根樂最賒屋後閑田都種麥門
前野地盡栽花老妻自煮龍鬚菜稚子忙烹雀舌茶繞膝
孫雛歌俚曲不知人世有榮華

遣興

半似風流半似顛半如野鶴半如仙好書未買都成夢美
酒難沽暫學禪自笑家貧花也瘦由他門冷犬貪眠此生
已分窮愁了詩不窮愁味不鮮

山齋養病

仄仄荒園枕野塘打頭茅屋及肩墻忘機且酌中山酒養

涇川詩鈔

卷十七

二十

性時焚沉水香買劍咸知琴有伴賣花祇爲鶴無糧靜中
自得長生訣何必多求海上方

遊春醉後口號

山鳥笑人醉山花索我題欲題題不得醉得爛如泥

王湘字青一著有敦本堂詩草

除夕

寒缸坐對每縈思門外兒童早賣癡寂寞自憐生計拙逢
迎誰識世途危歲逋未了猶耽酒筆債難償莫祭詩如願
不來仍嬾喚固窮吾亦守多時

潘榮昌字芝田號則山著有清虛閣詩文稿

送翟綸閣註還水東卽次畱別原韻

漫天雪勢壓遙岑，迢遞歸途着意尋。
渡口橋橫通野店，山腰葉落見疎林。
暮雲滿目閒愁結，冷月當頭獨夜深。
只是累人清不寐，一燈挑盡熱鄉心。
桃潭歸去續前盟，魚鳥還應識姓名。
花雨半村攜屐到，烟波十里掉船行。
定誇隔岸紅無際，莫負同岑綠又生。
我欲他時頻過訪，可容剪燭話衷情。

鄭侯之字秋崖，著有啣啣蟲聲詩草。

曹普臣約過斗室庵，看牡丹中途有阻之者，悵然成此。

涇川詩鈔

卷十七

二一

挈榼攜朋叩竹關，故人勸我一開顏。
誰知富貴曾無分，便是看花命也慳。
左鍾田字仲賢

歲暮書懷

燈窗展書讀，聊以豁倦眸。
上期古人交，勝與今人游。
古人在何世，寂寞今山邱。
撫琴有逸聲，作詩多怨謳。
高才多不偶，時命將誰尤。
抗志在千古，功名焉足求。
長歌楚騷篇，木葉風颼颼。
文受大字海峯隱于醫，著有海峯吟藁。

秋日山行

策杖疎林一逕斜，山重水複少人家。年深沒字碑生蘚，秋老無名草着花。荒隴淺莎晴臥犢，叢祠枯樹晚棲鴉。歸途拾得松根菌，野店新篛逐便賒。

春日過古谿，聚星垣訪翟綸閣潘半樓，畱宿夜話。

一路綠陰護急湍，尖尖傑閣聳林端。我來剛值花含笑，夜靜難禁竹弄寒。就榻劇談滄夢囈，劈箋膽稿嚼詩丸。傾心聊復開樽坐，坐到雞鳴把劍看。

李作舟字濟川號築巖歲貢生

紅葉

寒林一抹最宜人，如此芳華不減春。九月風光看欲醉，三

涇川詩鈔

卷十七

二二

秋畫本寫初勻，晚來花樣新。翻巧老到文章鍊，入神底事蒼涼蘆絮影無端，飛白滿江濱。

秋閨怨

屈指關河路幾千，離魂別緒晚涼天。卜殘釵股秋燈下，懶畫蛾眉曉鏡前。錦帳寒侵風瑟瑟，繡簾光透月娟娟。飛鴻望斷無消息，一度思量一自憐。

章悅字兌侯諸生

五十述懷

五古二首

我年已五十，元髮成華顛。時事尙能記，四十九年前。七歲授句讀，晨夕侍几筵。指迷粗識字，次第披簡編。雖無十行

敏尙覺一心專十三學爲文塗鴉手擘箋初似泉涸塞漸
喜通涓涓間亦得新義能博文師憐無如五窮迫資生乏
薄田謂此案頭卷不化床頭錢饑驅出門去吞聲淚漣漣
阿父仗舌耕阿兄恃筆耨兄弟凡三人繫我齒最幼伯氏
年十九鴛鴦金鍼繡德公來採風云是江東秀仲氏弱冠
餘掉鞅馳文圃繼補博士員芹香攜滿袖獨我困江湖私
心終刺謬無術可療貧空逐雞蟲鬪幡然決計歸詩書業
理舊逐隊戰文場邀賞魯太守學使蓮塘師不棄牛馬走
當時頗自豪今反雙眉皺早知命終窮何必思長壽轉念
忽自怡清福消永晝不改寒儒寒奚嫌陋巷陋

涇川詩鈔

卷十七

左旋字順之邑增生著有尺木居詩鈔邑志文苑有傳
留別丹陽諸子卽之漢臯

銀燭華筵漏已殘扁舟將發意闌珊只愁他日江臯上采
得芙蓉欲寄難

胡世台字峻山號玉峯邑庠生著有雙桂軒詩草

前明嘉定州牧朱象先公全家殉難詩

四首選一

海棠山外月黃昏荆棘蒙茸碧血痕報國常銜精衛恨思
鄉不化杜鵑魂堪將臣節垂千古重敘天倫在九原蟻賊
猖狂能幾日忠肝耿耿照乾坤

乙酉冬送兼山六兄之任陝西

鴿原分手久咨嗟西望長安道路賒熊耳山前晨策馬
頭關外晚停車三春夢感縈池草幾日膏敷滿縣花往事
涇陽賢令在彥謙清白足傳家

章邦俊字灼三號南溪郡增生

春初送友人入都

新柳依依碧未稠束裝從此快遨遊知音好向天涯覓勝
景多從筆底收市駿定須逢伯樂登龍終許遇荊州江南
冀北心同憶好託雙魚疊唱酬

移館

雨送新涼綠上堦桂花深處踏吟鞋囊中詩草從頭理架

涇川詩鈔

卷十七

二四

上牙籤信手排燈影半窗添客感蟲聲一枕動秋懷自知
性拙惟耽靜徵逐交游懶與偕

翟鴻裁字黼臣一字虎臣邑庠生著有半舫草堂詩鈔

歲暮解館歸示諸弟

客囊如洗剩吟身且喜歸來話苦辛無藥可除司馬病有
才難救伯龍貧枉勞縛草送窮鬼好自燔柴祀竈神安得
同懷長聚首閉門風雪一家親

題柳村叔菜根書味齋詩鈔後

芸窗燈火竹籬霜插架牙籤趣味長不是華腴都擷遍那
能辨得菜根香

翟錦標字孟高號準卿太學生著有吟香詩稿

送春

斷送春光柳絮飛不堪岑寂掩柴扉遊絲有意情

客無端淚欲揮綠暗長亭牽別恨紅殘滿地剩斜暉杜鵑
底事聲悽咽要囑東君緩緩歸

會記東郊出郭迎燒痕經雨畫難成忽驚陌上紅心老又
惹天涯白髮生曉寺鐘敲殘夢醒歸裝風帶落花輕臨歧
珍重明年約萬木欣欣早向榮

蕭志仁字凌雲號耕者著有賒笑集

晚渡固城湖

涇川詩鈔

卷十七

二五

推蓬忽四顧冥冥天欲暮風吹晚潮漲卅里潮聲怒帆影
亂夕陽倏忽沉野渡釣客持竿歸漁艇收網具遠山一抹
青蒼花積烟霧忽忽月滿湖湖上飛白鷺

蕭友泉字淡如太學生著有雪齋詩草

讀書藍岑

藍岑新借榻妙景自天成疎竹窻前影飛泉枕上聲月涼
花睡蝶風暖柳藏鶯薄暮星潭外村烟隔水橫

海棠

睡欲醒時酒欲消曉風殘月不勝嬌拾遺未必無
落詩魂不可招

登浦口望江樓

城上高樓入杳冥聚來奇勝滿疎櫺天邊浪捲千
外山分六代青匝地殘烟迷古道背巖空翠滴閒
不盡登臨興可逐吟鞭到敬亭



不盡登臨興可逐吟鞭到敬亭

外山分六代青匝地殘烟迷古道

背巖空翠滴閒不盡登臨興可逐吟鞭到敬亭

登浦口望江樓

